

Kdrumut bi ha

Laqi nami siida, ida wada tmnegsa bi mnan ka rudan nami, 'Tya bi dawi, kdrumut bi smluhay ni qmpah.' msa tmgsa mnan. Kari rudan nii o kika pusu bi dhuq nami muda ana manu euda bitaq sayang.

Ga alang Bsngan ka sapah nami, empitu ka mnswayi nami, qmpah tmqpahan ka rudan ni qrnut balay. Ana ya saw nii mqraqil ka kndsan nami o mdrumut balay asi saw qmi qmpah kjiyax ka rudan nami, mgsmay bi ni mttmring kdjiyax, 'Yaasa lala laqi dngaun nami.' msa lmnglung ka rudan nami.

Wada nami mdakil kana ni niqan nanak sapah nami do, pnegkla kari rudan 'kdrumut bi ha' msa dmudug nii o balay bi dhuq pttuku ana manu kndsan nami bitaq sayang. Musa nami matas ni qmpah ana inu o murug nami bi kari rudan nami, mdrumut smluhay ana manu slhayun, mdrumut qmpah ana manu qqpahun, ini tqhnga ni ini psparu, psbilaq bi lnglungan ni tgluus bi muda ana manu euda. Balay bi ini kneru ka dnudug kari rudan nami nii. 'kdrumut bi ha' msa nii o wada dhuq bi ptburux kana kndsan mnswayi nami. Sayang, kngkingal sapah mnswayi nami ga, ana nami aji ka emblaiq balay, kiya ni ida nami dhuq tqqaras bi meudus kska kndsan nami

nanak.

Sbrnahun mu lmnglung, paah laqi nasi ini saw nii msaang bi tmgsa knan ka rudan mu o ya empmeenu ka kndsan mu sayang o ini mu klai. Paah ku malax ptasan tgbaraw do musa ku matas ptasan thowlang mrata Keypi ksun, babaw na mtmay ku matas Gyuku-jang-singgaku-ying ni Tay-wang - singgaku-ying, ptasan slhayan kari Utux Baraw, ida wana kari rudan mu 'kdrumut bi ha' nii ka dmudug bi knan ni psbiyax bi knan. Mqaras ku tmdahu Utux Baraw, mgay saw nii aji hmut drumut ni mkla bi dmudug lqlaqi ka rudan mu. Sun mu haya qmita, dhiya o aji wana quwaq ka spowda dha tmgsa laqi, dhiya o balay bi dhuq muda ka бага dha ni qaqay dha qmpah, ini bi dawi mdrumut balay. Sun mu haya lmnglung, dhiya o aji ssaang dha laqi ka sksaang dha, balay bi paah lnglungan dha gmealu kana lqian dha. Ah, Saw nii knmalu na ka rudan nami, tayal knsuyang tnegsaan dha wah. Sayang, maa baki ku ka sayang dni, tai ku saw empurug rudan mu mkla bi dmudug laqi mu ni laqi laqi mu, 'Kana Laqi mu, iya bi snguhi, kdrumut bi ha, iya bi dawi o.'

(文章大意 僅供參考) ※字數限 200 字

要認真

我住在富世部落，共有七位兄弟姐妹，生活艱苦。父母常掛在嘴中一句話：「有很多孩子要養。」「要認真」成為我們的心路歷程。無論讀書或工作，都遵照父母的話去學習事物，認真做任何工作，不狂妄、不驕傲，謙卑地將任何事情做好。高中畢業讀軍校，退伍後讀神學院，「要認真」一直叮嚀和鼓勵著我。感謝上帝，賜給我這樣認真又善於教導孩子的父母。現在成了爺爺，祈願能像我父母一樣善於教導子孫。

Alang mu

Alang mu o Tkijig, Nsgan Bsuring Nyusan Skangki. Alang nami Tkijig hini o suyang balay qtaan, brah o gsilung paru, bukuy o dgiyaq paru uri. Mnkala paah nklaan hidaw ka hidaw mgrbu o aji hmut lhang niya smbu babaw gsilung, braw na ka gsilung o bitaq mtqliwaq suyang balay qtaan. Thnganan Dxgal Truku Klwaan saan Rmigaw o nii mniq alang hini, nii hini ka Truku, Tpdü ni Dowras Iyax Paru. Dnii ga, niqan balay hangan na eseisil klwaan. Manu saw kiya do hbaraw bi pnaah eseisil alang miyah rmigaw qmita hini, niqan pnaah Nihung, Amirika, Kanada, Cyusing ni pusu klwaan CyuKuku, niqan seejiq mqalux uri, ni hbaraw bi pnaah eseisil klwaan. Yasa nii nami niqan hini o niqan balay hangan na mtqiri klwaan.

Alang nami Tkijig hini ga knhbragan seejiq o yaa bi maxal maspst kbkuy sngari, kmgaaw hari Truku kana, niqan ka klmukan uri o ini balay khbaraw kiya, kmgaaw mkla hari rmngaw kari Truku ka klmukan hini.

Paah sexual o bunga ka phmaun nami balay, yasa bunga ka pusu bi uqun nami, kika skdakil nami ni skparu nami, duri o mhuma masu, sqmu, trabus ni gisang. Sayang dga, ini hari duuy dxgal qmeepah ka sayang da, kmgaaw hari musa mskuri miying pila, yasa nii mniq siyaw gsilung ka alang

nami hini ga, duma seejiq o smkuxul musa tmqsurux. Mnatas ka laqi do qmeepah qpahan klwaan, mtgsa, qmeepah ska spuhan. Qmpahan do mqhdu bbuyu kana da, yasa bbuyu kana ka qpahan, lala balay qowlit, hbaraw bi seejiq musa powsa wana qowlit, qowlit o shiya bi uqun, kika pusu balay uqun nami ni damat nami paah sexual.

Dgiyaq nami hini o lala balay samat, llabang bi saan tmsamat uri, pusu balay saan tmsamat paah seuxal bitaq sayang, niqan bowyak, mirit, pada, rqnux ni rungay, rapit skiya o lala balay. Mkla balay tmsamat kana ka dsnaw hini, ana laqi mkla bi tmsamat kana, ida qulung niqan qrasan do musa tmsamat kana da, peekan dha kana lupung mniyah, yasa alang nami Tkijig hini o mneghuway balay.

Nii mniq yami hini ka yayung paru, yayung Skadang, gbiyuk truku, ida qulung dhuq rbagan do miyah hmrapas trima yayung paru ni yayung skadang ka lqlaqi ni seejiq pnaah eseisil alang, yasa yayung Skadang nii o mtasaw balay, niqan bi hangan na yahan hmrapas trima rbagan. Qulung msangay matas rbagan ka ptasan do mkala hi duri ka seejiq miyah hmrapas trima hini.

(文章大意 僅供參考) ※字數限 200 字

我的部落

太魯閣國家公園就設在崇德村，是非常有名的世界景點—太魯閣、天祥及太魯閣峽谷。崇德村約 1,500 多人，大都是太魯閣族人，以前種地瓜、小米、玉米、花生及扁豆，現在都在外賺錢。

我們的山有很多的野生動物、寬闊獵區，深山裡有野豬、山羊、山羌、山鹿及猴子，飛鼠特別的多，只要有節慶就都會到深山打獵。夏天，孩子以及外來旅客就會到沙卡礑溪或立霧溪戲水，是有名的戲水浴場，一到暑假就有更多的人來這遊玩。